



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Martinii Tridentini E Societate Jesu Sinicae
Historiae Decas Prima**

Martini, Martino

Monachii, 1658

Vigesimusseptimus Imperator Chintingus. Imperavit annis XXVII.

urn:nbn:de:hbz:466:1-11848

perior; quem verum omnium ipsiusque patriæ fastidientem, in exterum regnum contumaci favore prosequitur, jaetans ad honores, quos si me intemerat amaret, eripere debebat. Nunc profecto tristis aliquis me casus manet, nimis felicitate laborantem, & in tanta fama celebritate patentem invidia. Has ob causas ordinatis rebus, quam secretò potuit, captâ denuo fugâ, & adscito alio nomine, in agro apud figulum delituit, securus fortunæ, rotamque ipsius, in siguli rotâ bene ac sa- pienter irridens.

Iterum repudiata fortuna.

Non ita sapuit CHUNGUS ejusdem YUE regis Praefectus, qui proximum à FANLO dignitatis gradum tenebat; ille, inquam, cuius consilio ac prudentiâ victus YUE rex ab ULIO pacem impetraverat. Nam postquam ad summam gloriam venerat, nescio cujus criminis reus, à rege iussus est sibi ipsi ferro jus dicere. Paruit, ambitiosâ morte defunctus. Quippe Sinarum reges hoc habent in usu, jam olim frequentatum, ut, cum aliquem Praefectum morti addicendum putant; honoris ergo tribuant ei, ut suâ sibi manu vim afferat, ne cadat aliena: quod in probro existimatur. Mittunt igitur gladium vel fūnem aureâ capsulâ sigillo regio munitâ inclusum reo, cum mandato, ut suspendat se, vel feriat; contestantes, id in honoris gratiâque singularis argumentum illi exhiberi.

Ejus in aliis saevitie.

Tristis honor ultronice mortuus.

VIGESIMUS SEPTIMUS IMPERATOR CHINTINGUS.

Imperavit annis XXVII.

*Cyclo 38. anno
10. ante Christum 468
Casius Imperator
74107.*

CHINTINGUS à patre imperium, imperioque penè restitutam dignitatem per manus accepit; pulcherrimo cognomento castus Imperator dictus, quod mortuæ conjugis servatâ fide permanerit in coelibatu. Mirum rarumque factum. Nam apud hanc gentem Magnates regesque nullam libidinem respuunt; in tantis divitijs & honoribus unas voluptates ad beatitatis apicem sibi deesse rati. Sunt enim ut plurimum Athei, & quia post hanc vitam nullum judicem timent, omni scelere cooperti; unde nullus eis pudor sanctus, nullus torus illibatus, nulla libido execrabilis; cujus exstimplati furij, ad eam explendam omnem lapidem movent.

Iisdem

Iisdem annis regnum CYN Præfectis in regem consurgentibus propè funditus eversum est. A sex authoribus orta primum rebellio, in tantas angustias conjectit regem, ut regno unà cum animâ tandem amissio, tota insuper ejus familia cognatióque sit extincta. Inde coorta inter sex rebellionis duces de obtinendo toto regno contentio in bellum exarsit; quod vario eventu gestum, totam ferè XANSI provinciam & PEKING ex parte, quâ occidenti adversa, excidio dedit, duobus etiam perduellium omnino sublatis è medio. Quatuor reliqui regionem inter se partiti, eam quisque partem, in quâ cum exercitu erant, tenuere. Hinc quatuor facti reges; primus CHIEU, secundus HAN, tertius CHAO, quartus QUEI, de quibus multa in loco.

Moritur interea Imperator, relictis filijs jam adultis tribus, KUCIEO, XOCIEO, QUEIO. Isthì non tam fratres, quâm hostes fure; cupidine dominandi alium adversùs alios armante. Nec aliter jurgia sunt quâm parricidijs sopita. KUCIEU enim ætatis prærogativâ primò electus, tertio post mense à XOCIEO trucidatus; hic imperium evadens, cùm inauguraretur, Suus dictus, parricidij poenas brevi dedit. Nam quinto tyrannidis mense à QUEIO fratre victus bello, necatûsque, quantum facinus admississet in majorem natu. debuit à minore discere; magnâ imperij parte hujus sequente fortunam. Ita imperium fuso duorum fratrum sanguine devolutum est ad QUEIUM, qui ubi sceptra capessivit, appellatus est CAUS, mihi trigesimus istius familie Imperator, quod ab octavo & vigesimo duo fratres intercesserint.

*Rebellio regia
familiam exq.
scindit.*

Fratres hostes

TRIGESIMUS IMPERATOR CAUS.

Imperavit annis XV.

CAUS igitur occupato per parricidium imperio, ejus majestatem multum imminuit, regulis non paucis obsequium rumpentibus.

Et est notatum dignum, quod Sinici scriptores referunt sub hac tempora Martem ad constellationem SIN dictam pervenisse, quæ nostro seculo à tertio gradu Sagittarij usque ad gradum vigesimum ac

*Cyclo 38. anno
38 ante Chrīst.
item 440*

S 3 paulò